

10. Tos kertoi ano bikab ng'onny ye weeksei
Weritab chi eng' Toronatennyi? Matayo 24:30.

Arorunet: Togunot komie eng' kaborunoik kele
kimenye eng' betusiek chebo let. Egosiek che
bichien komi yu ago nyoljin chi agetugul anan
achek kenamjin barak metowekeyok amun
kagorik katiagenyon (Luka 21:28). Kogeny ko
nyolu keyai boisietab Kwanda, keik kiboitunik
che yie logoek. Johana 4:35,36.

**Konetisiet nebo arawetab Somok 11,2023.
KONUNOIKAB TAMIRMIRIET NE
TILIL**

Somanetab Sirutk: 1 Korintoek 12.

Ng'olyotab Metit: Mika 3:8.

1. Tos magetab Elohim kole konai Kanisenyin
agobo konunoikab Tamirmiriet ne Tilil? 1
Korintoek 12:1.
2. Tos kigimwa nee agobo konunoik che besiotin,
ak ripsosiekab Tamirmiriet ne Tilil? Koitet4,5.
3. Tos kigimwa nee agobo boisionik che besiotin,
ak kaborunetab Tamirmiriet ne Tilil? Koitet 6,7.

Arorunet: Kaborunetab Tamirmiriet ne Tilil ko
kigigochi chi agetugul kotoretengen , ee iman

Arorunet: Niton ko Tito ne kandointed
askarikab luget che bo Romanik che kiyiem
nganaset Jerusalem eng kenyitab 70 A.D.,
kong'em koges nganaset ak Hekalut nebo 2.

11. Tos nee kit ne kiyaak eng' kwenutab kasariton
bo let ak wigitab 70? Koitet 27(Kebeberta ne
tai).

Arorunet: Nito ko kitilet anan kakartatetab
Messia, niton ko kit ne kiges maget nebo
ng'atutiet nebo nyoetabgat eng' " Karotikab
Aruetab" ak koib tononjinet ne leel nebo
Mieindo.

12. Tos nee kit ne kinyolu koyaak ye ibata
kakartatet konamge ak kit ne kiwechei nebo
ng'emisiet? Koitet 27 (kebeberta nebo let). Tos
tare kasarta netian ng'emisiet?

☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆

KONETISIET

Nebo
KANISSETAB ELOHIM
(COG 7th day)

Kebeberta ne Ne Bo Tai
2023

Ne Bo
Arawetab Tai, Arawetab Oeng',
Arawetab Somok.
(Tevet, Shevat, Adar, Nisan)
Kiboisie ak bukuit ne Tilil

Magotin kiboitunik, amun o kesisiet ago ngering
kiboitunik...

Eng Ng'olyo isirii,
P.O. Box 568,
Jerusalem — Israel

Kaweegindet:
3rd Angel Messenger
P.O. Box 9774,
Nakuru
3rdangelmessenger@gmail.com
Cell: +254 721576325, +254 718608394

☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆☆

Konetisiet nebo Arawetab Tai 28, 2023.
KISIB KEMWAAGOBO ATEBOSIEK
CHEBO BETUSIEKAB LET

Somanetab Sirutik: 2 Timoteo 3.
Ng'olyotab Metit: 2 Timoteo 3:13.

1. Tos unee kasarwek anan atebosiek chebo "Betusiekab Let?" 2 Tim 3:1.
2. Tos unee kasetab miat ak chametabgei eng' betusiechuton? 2 Tim 3:2.
3. Tos igu bik che chame ureriosiek? 2 Tim 3:4.
4. Tos chang' kanetik chebo kayanet ak che yaegei koek Mesianik? 2 Tim 3:5.
5. Tos mi barak kanetabge eng' kasariton ago che chang' kotinye imanda? 2 Tim 3:7.
6. Tos atebosiekab ng'ony ko kararanitu anan yachegitu kingobata komwae maotiot maoinatoni? 2 Tim 3:13.
7. Tos kimwawech nee ne kiyokto Jakobo agobo magornatosiek ak chang' indab tuguk eng' betusiekab let? Jakobo 5:1-3.
8. Tos kisib komwa nee Isaia konamge ak Ng'atutiet ak Ng'olyot kowendi tai kotaunen Jerusalem? Isaia 2:2,3.
9. Tos kimaoten nee agine maotiot Mika konamge betusiek che bo let? Mika 4:1,2.

7

Konetisiet nebo Arawetab Tai 7, 2023.
MAOINATET, TAIT ENG NG'ONDUT
NEBO MESUNDEITO

Somanetab Sirutik: 2 Petero 1.
Ng'olyotab Metit: 2 Petero 1:21.

1. Tos kigikonundo ano Sirutik che Tililen? 2 Timoteo 3:16.
2. Kigikonu Sirutik che Tililen agobo nee? 2 Timoteo 3:17.
3. Tos maoinatosiekab Bukuit ko nyolu kontoiwech eng' rani ak kenysisiek? Tos yae nee? Ne Kibwatan Ng'atutik 29:29.

Arorunet: Kebeberta neo eng' Bukuit ne Tilil ko maoinatet. Maoinatosiek che chang' chebo konyo ko kitokchinge kasarinyon nguni, kotom "konyo nebo Aeng". Agot kayanenyon ak kamangunenyon eng' Kwandanyon ne mi Kipsengwet ak Media, Werinyin ko maoinatet- ng'etietab che kigobek; sobondab koigeny; akot mwaetab malaikaisiek eng' Sikenyin, "kalyet eng' ng'ony, maget nemie eng' bik". Kogeny mami kit ne ng'emisie anan koumisan. Ma komi kogeny ng'waninwek, rirek anan kaimutik- ma komi meet anan ngwanindo. Kagenisienyon ak kamangunenyon ko tugul ko maoinatet.

1

10. Tos nee kit ne nyolu keyai si kiitech keigun agenge eng' kechirekyik ak kechililen matab koigeny? Matayo 25:31-41.

Konetisiet nebo arawetab Somok 4, 2023.
EGOSIEK CHE BICHEN

Somanetab Sirutik: 2 Timoteo 3.
Ng'olyotab Metit: 2 Timoteo 3:14.

1. Ng'alalen eng' koindo egosiek che bichen the kimwa Paulo? 2 Tim 3:1-7.
2. Tos kimanisiani nee Paulo eng' koitet 7?
3. Tos kimwa Paulo kole kigigonu Sirutik che Tililen amun nee? Koitet 16,17.
4. Tos yae nee alak eng' betusiek che bwanei? 1 Tim 4:1.
5. Tos unee kabwatutikwak? Koitet 2.
6. Tos kigimwa nee agobo magorek chebo betusiekab let? Jakobo 5:1-3.
7. Mwawech amun nee si konyolu koriryo magorek? Koitet 4.
8. Kobaten komenye eng' boiboiyetab ng'ony, ko tos nee kit ne kigoyai? Koitet 6.
9. Eng' kasariton bo bichiindo, ko tos kimwa Yahshua kole nyolu keripege nee? Luka 21:34,35. Kimwa Paulo kole nyolu keyai nee? Hebranik 10:25.

16

22

14. Tos nee kagesunetab tionyton? Ng'ang'utiet 19:20.

Konetisiet nebo arawetab Aeng' 25, 2023.

KIRUOGET

Somanetab Sirutik:2 Petero 3:1-18.

Ng'olyotab Metit:2 Petero 3:18.

1. Tos mi kasarta ne kigichob nebo kiruoget? Boisionik 17:31.
2. Tos nganasok aeng' achon che kigigoon koek kaborunetab kiruoget? 2 Pet 2:6.
3. Tos kiruoget nebo let koboru ng'emisiet ne igesu kiptengeginik? Malaki 4:1-3.
4. Any kiptengeginik che kigobek? Johana 5:28,29.
5. Tos nee kagesunetab kiptengeginik tugul? Ng'ang'utiet 20:15, 21:8
6. Tos mi kelchinet eng' achek ye kinai agobo kiruoget ne nyonei? 2 Pet 3:17.
7. Tos boroindo aino ne nomu che kiyokto 12 eng' kasartab kiruoget? Matayo 19:28.
8. Tos mi alak, kobaten che kiyokto 12 che nomu boroinwekab bounatet ak kiruoget? Ng'ang'utiet 20:4-6; 26,27.
9. Ng'o Laitoriat? Bounisie kasarta ne tian Inendet? 1 Korintoek 5:22-26.

15

ki agetugul ne sobe, ago kiweegu ng'ony kogeny kou Eden Paradis; kotom koyai tengekto chito. Taunet 8:21.

2. Ye weeksei Kiptaiyandenyon ko tos ibu nee Inendet? Ng'ang'utiet 22:12; Isaia 62:11.
3. Tos tesetai kasarta ne tian bounatoni tilil? Daniel 7:13,14.
4. Tun komiten ano Bounatoni ago kigochin ng'o? Daniel 7:27.
5. Tos "Cheptab Zion" ko kigiyonie nee eng' Jeremia 6:2; Ng'ang'utiet 19:7,8.
6. Tos mi ano kwonyiton, kaborunetab kaniset nebo iman, ole kiging'alalen eng' kakwaut? Ng'ang'utiet 12:1.
7. Tos kigimwa nee agobo kayanetab kaniset ne ng'etunof? Ng'ang'utiet 12:17.
8. Tos nyone ano Kiptaiyat ye weeksei ng'ony? Sekaria 14:4.
9. Ng'o ne igu Laitoriatab ng'ony tugul kasariton ak ye ibata? Sekaria 14:9; Ng'ang'utiet 11:15.
10. Tos kigimwa nee kogeny agobo Nganaset Neo nebo Bounatenyin? Tos tesoksei kalyet eng' kasariton? T. Kal 110:1-6; Isaia 9:6,7.
11. Tos bounisie kasarata ne tia Kiptaiyat ago Sarunindet Yahshua Messia ko Laitoriat? Ng'ang'utiet 20:4.

21

10. Kosipge ak kit ne tesetai ko tos yaaksei nee eng' Jerusalem ye weeksei Messia koibu kiruoget? Mika 4:3.

11. Tos kigimwa nee agobo betusiekab let anan "kasartab kagesunet" konamge ak kotesak ng'omnatet? Dan 12:4.
12. Kinyolu ketuch bukuitab Daniel kasarta ne tia, kiyatet au, ko tos ng'o ne chame ak ng'o ne machame? Daniel 12:9,10.

Arorunet: Bukuitab Daniel ko takotugot eng' Israel ak Yahudik. Chubet ko kigemwaita eng' Yahudik che isubi ng'atutikab Musa eng' chi agetugul ne weegu ak koyai hesabukab wigisiek 70 chebo kurgetab 9.

13. Tos kigimwa nee agobo tuguk che kibune eng' kasartab chopchinet? Nahum 2:3,4.

Arorunet: Kimengisiei eng' kasartab chopchinetabge nebo nyonunetab Laitoriat, ago atebosiechu ko toogunotin eng' ui tugul. Chi age tugul ne kigeguur komong' eng' ng'ony ko nyolu kongeten tuguchu, nyolu ko kiboitiot ne yie logoek ak koek baoriat ak kogoito sobenyin eng' tiseiwek ak kagochinoik, komwaita ng'olyondenik ak koyokto kiboititik kongeten Israel ak emetab Bororiosiek.

8

4. Kiguren nee kitabut ne igesunen eng' Bukuit ne Tilil? Ng'angutiet 1:1.
5. Tos nee ne kigikonorchi ichek tugul che sae kosomani maoinatosiechu bo kwong'et? Ng'angutiet 1:3.
6. Tos kigikonundo ano maoinatosiekab Arorutiet ne bo Keny? 2 Petero 1:21.
7. Kigimwa nee agobo kaweegunetab maoinatosiechu? 2 Petero 1:20.
8. Maoinatosiechu ko tos kitinye kit ne kiyae eng' sorunetab maotik? 1 Petero 1:9-10.
9. Tos Tamirmirietab Messia ko kitinye kit ne kiyae eng' maotik? 1 Petero 1:11-13.
10. Tos king'anchige eng' or nee Petero Messia weritab Elohim nesobe? 2 Petero 1:16,17.
11. Tos eng' or nee nebo kwong'et ne king'anchige Inendet Petero, Jakobo ak Johana? 2 Petero 1:18; Matayo 17:1-9.
12. Tos nyolu kegerten ano maoinatosiechu bo kwong'et eng' betuni ak kenyisiechu Kimi kesobtosi kasari? 1 Korintoek 10:11; Romanik 15:4.
13. Petero, Jakobo ak Johana ko kinyor kit neu nyonunetab Yahshua nebo aeng' ki ngomi Tulwet ne Tilil barak. Ng'andan ko tos nee ne ketinye nguni konamge ak ng'onunetab Mesia nebo aeng'? 2 Petero 1:19.
14. Tos bik che lewenik, che kigikurchi sobondab koigeny, koiyiei logoek anan maiyiei logoek

2

Konetisiet nebo Arawetab Aeng' 4, 2023
KABORUNOIKAB KASARTA

Somanetab Sirutik: Matayo 24:7-27.
Ng'olyotab Metit: 2 Timoteo 3:1.

Arorunet: Chang' maoinatosiek eng' Bukuit ne tilil agobo betusiekab let, kigimwawech kele keripsen ak kesoe si manyonjeh tuguchu kou chorin ne eng' kemoi. Mwae Bukuit kole maingen chi betut anan sait ye weeksei Sarunindenyon, ak ng'andan u noton ko kigigonech kaborunoik che chang che yaeche kenai agobo kasarta ne kisobe. betusiekab let. Ongeger tuguk che ng'erin yaaksei che kigisirwech eng' Bukuit ne tilil. Che kigisirto, che bo nguni, ak betusiek che bwanei.

1. Kerongu Tamirmiriet ne Tilil. Boisionik 2:17, soman kogeny Mariko 16:17.
2. Koistoegei kayanet ak konetisiosiek chebo lembech. 1 Tim 4:1
3. Che maiyani ak Chombilik. 2 Pet 3:3.
4. Kenik che echen. Matayo 24:24.
5. Koimutik che mi ng'ony tugul. Luka 21:11, soman kogeny 24:7.
6. Kasarwek che bichien. 2 Tim 3:1.
7. Kesiche kogeny Israel. Mika 4:1, soman kogeny Jeremia 29:14.
8. Kaborunoikab asista ak arawet. Luka 21:25.

9

eng' boisetab Kiptaiyat eng' kasariton? 2
Petero 1:8.

Konetisiet nebo arawetab Tai 14, 2023.
MAOINATOSIEK CHEBO
NYONUNETAB MESIA NEBO AENG'

Somanetab Sirutik: Isaia 53.
Ng'olyotab Metit: Luka 18:31.

1. Tos kiboisien ng'alek achon Musa kongalal agobo Messia? Ne kib Nga'tutik 18:15.
2. Tos kinaitoi ano kele maotiot ne kingalalen Musa ko Messia? Boisionik 3:20-24.
3. Tos kaborunet ainon ne bo kwong'et ne kisib komwa maotiot Isaia? Isaia 7:14.
4. Tos kifulda maoinatoniton? Luka 1:26-31; 2:7; Matayo 1:22,23.
5. En Mika ko kisikchin ano Mesisa? Mika 5:2.
6. Kifulda maoinatoniton? Matayo 2:1.
7. Tos maoinatet ainon ne kenyorchin Hosea ne namegei ak Yahshua? Hosea 11:1.
8. Tos kifulda niton? Matayo 2:18, 14, 19-23.
9. Tos kimwaito ano itunetab Messia? Isaia 40:3.
10. Tos kifulda niton i? Matayo 3:1-3; Johana 1:19-23.
11. Tos nee kit ne kimwa maotiot Isaia kole nyonjin Messia? Isaia 53:7-9.

3

7. Ye bounisie inendet ne ya, ko tos boisien kimnatet aino eng' ichek che menye eng' bounatennyi? Tos kibirjin kolos ng'o? Ng'ang'utiet 13:12.

Arorunet: Kigeere kele tionyi bo oik koboisien kimnatetab tiondo nebo tai, ole king'em hekalut nebo tai.

8. Tos kimnatet ainon ne o ne tinye maotiotab lembech ne boisie ak tiondo? Ng'ang'utiet 13:15.

Arorunet: Laitoriat Nebukadnesar ko king'at keyai kanamwet eng' kasartab Daniel. Ago kanamwani ko masobe ak mangalale. Ago kanamwetab Ng'ang'utiet 13:15 komuchi koyai ng'alalenyin.

9. Kimuchi kimnatosiekab oik koib sobet kotom betusiekab tionyiton i? Komong'u 7:11,12;8:7.
10. Tos kinaito ano ichek che kase it kimnatoni bo oik? Ng'ang'utiet 13:16.
11. Tos nee kagesunet ne igeni ichek che menye eng' bounatetab tiondo ak macham koyai magennyi? Ng'ang'utiet 13:15,17.
12. Tos kinaito ano tionyiton? Ng'ang'utiet 13:18.
13. Tos ta komi kimnatoni bo oik ye week Kiptaiyat Yahshua ng'ony? Ng'ang'utiet 19:11,14,19.

14

che bune koibe tengekwoigikyok. Kanatetabge nebo kurgani agenge konyolu koyai koyan ichek che tinye saget ago maiyani.

5. Ng'alalen eng' kakwaut Isaia 53:10-12.
6. Tos kifulda ano ing' innei koitet 8 nebo Isaia 53?

Arorunet: Kosibge ak bitonwekab Konetikab Ng'atutik. Isaia ko kigitil koab oeng'u eng' musugietab ketit kotinye kenysisiek 90, eng' ng'atutietab Manasse. Iyoni alak kole Hebranik 11:37 ko tokyinge meenyin.

Konetisiet nebo arawetab Somok 25, 2023.
LAITORIA NE NYONE AK
BOUNATENYIN

Somanetab Sirutik: Ng'ang'utiet 20:1-6; Isaia 11:1-9.
Ng'olyotab Metit: Luka 12:32.

1. Tos mi Kiptaiyandenyon ak Sarunindenyon Yahshua Messia kasarta ne tian eng' kipsengwet? Boisionik 3:20, 21.

Arorunet: "Betusiek che kiwale tuguk tugul komiagitu" ko maiboru kele kasarta ne kibore

20

Konetisiet nebo arawetab Aeng' 18, 2023
BERUTIETAB TIONDO

Somanetab Sirutik: Ng'ang'utiet 14:9-20.
Ng'olyotab Metit: Ng'ang'utiet 19:20.

1. En Daniel tiondo kaboru nee eng' ng'alekab maoinatet che bo Elohim? Daniel 7:17.
2. Achon eng' alak kaborunoik che tinya tiondo ne kigimwa eng' Ng'ang'utiet 13:11?

Arorunet: Laitorinik che maingen Kamuktaindet anan bounik kegureen tiong'ik eng' Sirutik. Keer ile kasarta age tugul ne kaboisien Bukuit tiondo ko kebebertab muren ne keboisien kotugul. Ingemwa kaniset eng' Sirutik che Tililen keboisien kebebertab osotiot.

3. Ye bounisie tiondo ko ng'o ne boisie ak inendet? Ng'ang'utiet 19:20.
4. Tos kit aino ne bo kwong'et ne tinya kimmationton bo oindet? Ng'ang'utiet 13:13, 14.
5. Tos kimwa nee Yahshua agobo kimmnatetab oindet ne miten komaweeke Inendet? Matayo 24:24.
6. Tos kiarorundo ano ne kiyokto Paulo agobo nyalulnataniton ak tos kimwa nee agobo kimmnatet ne tinya oindet? 2 Tesalonikek 2:8-10.

13

Konetisiet nebo arawetab Somok 18, 2023.
ISAIA, MAOTIOT NEBO LOGOIWEK
CHE MIACH

Arorunet: Isaia ko kimaoten eng' betusiekab Usia, Jotam, Ahas ak Hesehia eng' kenyitab 758 agoi 698 B.C. Maoinatosiekyik chebo Messia kobo kwong'et. Kigon kenyisiek bogol tisab kotom kesich Messia, kasuldaenyin komie ko baornatet ne toogunot eng' Bukuit ne tilil noton kabusetab Elohim.

Somanetab Sirutik: Isaia 55.
Ng'olyotab Metit: Isaia 66:20.

1. Eng' Isaia Kurgat 1-8 ko aroru maotiot agobo tuguk che bo kwong'et. Tos mi kit ne igeere ne egu kaborunet eng' kenyisiechu?
2. Tos kisib komwai Isaia agobo sigetab Messia? Isaia 9:6,7; 11:1-5.
3. Tos kilyan asi manai bik Yahshua ko Messia eng' ng'omnatoni bo maoinatosiek ak alak? Isaia 6:9-12.
4. Tos Isaia 53:1-3 konamege eng' or agetugul ak kabwatutioni?

Arorunet:.....Isaia 53 ko maoinatet ne togunet ne bo Messia. Kiaror eng' ng'wogindo ago kiyomo komie boisienyin ko Sarunindet, kisib komwa agobo koesio bik ak nyalilwogik

19

9. Tamirmirietab Kirindoikab Messia. 2 Tesalonikek 2:9, soman kogeny 1 Johana 4:3 ak 2 Johana 1:7.
10. Tos kinae kasarta ne weeksei Inendet? Boisionik 1:7.
11. Tos kigiyomisiy nee ichek che kasei ng'alekab maoinatet ak koribe che kigisir eng' maoinatoni? Ng'ang'utiet 1:3.
12. Tos nee ng'olyotab ng'onny eng' betusiechu bo let? Mariko 1:15.

Konetisiet nebo Arawetab Aeng' 11, 2023.
BUKUITAB NG'ANG'UTIET AK
TIONDO NE KIGISOOB OLE KIGA
KIKWER KOME

Somanetab Sirutik: Daniel Kurgetab 7, kogeny Ng'ang'utiet 13:1-3.
Ng'olyotab Metit: "Baibai inendet ne somani, ak ichek che kasei ng'alekab maoinatoni, ak koribei tuguk che kigisir eng' maoinatoni: amu kagorik betut". Ng'ang'utiet 1:3.

1. Tos kiamune ak kigigochin ng'o bukuitab Ng'ang'utiet? Ng'ang'utiet 1:1.
2. Tos kigibor eng' ano ne tai tiondo eng' Sirutik? Daniel 7:2,7.

10

12. Kisulda niton i? Luka 18:31-33; Mat 27:29, 30, 41, 43.

Arorunet: Iman maoinatosiek konamge ak siget ak meetab Messia ko kisulda eng' oret nebo kwong'et. Ee kisulda tugul. Kimuche kimuny kingen kele isulto tugul

Konetisiet nebo Arawetab Tai 21,2023.
MAOINATOSIEKAB DANIE

Somanetab Sirutik: Daniel 9.
Ng'olyotab Metit: Daniel 9:22.

1. Kingobata keng'em Hekalutab Solomon, kikimut Israel koek lulenik eng' emetab Babylon, ago kinyolu konget eng' yoton kasarta ne tian? Jer 25:10,11.
2. Ye ibata kiyumu ichek eng' ye kigiyestechi, ko ne kit ne yaaksei eng' Babulon? Koitet 12,13.

Arorunet: Naat eng' sirutik che tililen ak atindonik kele kikiyum kogeny Yaudik eng' Jerusalem ak ketech Hekalut age eng' ye kimi Hekalutab Solomon.

3. Ye kingo sae Daniel agobo wegunetab Israel ko tos ng'o ne kinyonji inendet? 9:20,21.

4

3. Tos nee kit ne kiyaak ye kingobata kasarta ne kikogikoji tiongichu ang' wan kobounis? Koitet 9,10.
4. Tos kiarogen Daniel agobo ng'ang'utioni, ago kiyai nee? Koitet 15,16.
5. Tos kigoon ng'al nee malaikaiyat? Koitet 17,18.
6. En tiongichu ang' wan ko tos ainon ne kitorjinge Daniel? Koitet 19, 20.
7. Tos kiger Daniel tiony (eng' kandoinatetab kuinet ne ming'in) koyae boryet ak bik che tililen eng' kasarta ne tian? Koitet 21, 22 .

Arorunet: Ng'anda titye kimnatet tiondab ang' wan ak koboisien kimnatenyin eng' ichek che lewenotin nguni, ak betusiek che bwanei agoi kenam bounatet, eng' iman kobo kamanutiet neo kenai kele tos nee ak miten ano. Kateunet nebo let kigojin tionyiton amun manamegei.

8. Tos kimwachi malaikaiyat Daniel kole tiony kotononjin nee, ak kogeny kuinoikyik taman? Koitet 23, 24.
9. Tos kigerjindo ano tiongichu ak chebo Ng'ang'utiet? Ngangutiet 13:1,2.

Arorunet: Ongegeer komie tionyiton. Tiongik eng' Daniel ko Ng'etundo, Keerit, Cheblanket ak tiondo age ko matinye kainet. Keer kogeny ile tiondo eng' Ng'ang'utiet ko kiu Cheblanket,

11

4. Kiamune si konyonji Gabriel Daniel? Koitet 22,23.
5. Tos kikigochi kasarta ne tian bikab Israel si kiges bistoet sk keyai katuiyet agobo tengekto? Koitet 24.
6. Konamge ak biretat Israel ko tos kasarta ne tian ne tononji betut agenge? Esekial 4:5,6.

Arorunet: Kou ye king' atyi Israel betut agenge ko kergeri ak kenyt agenge, eng' kasariton bo biret, keboisien ng' atutioniton kou niton eng' kasariton bo biret ne isubi. Eng' niton ko wigisiek 70 ko kasarwek konyil 7 chebo 70 anan kenysisiek 490 amun wigit ko tnyek betusiek tisab.

7. Kigochi Gabriel ng' angutiet Daniel konai kole kiteche kogeny Jerusalem eng' kenysisiek che miten tai. Kingobata kwo tai ng' atutiet ko tos kitar kasarta ne tian ago Messia? Daniel 9:25(Kebeberta ne tai).
8. Tos kitechi kogeny Jerusalem eng' kasarta ne mi kalyet anan nyalilda? Koitet 25(Kebeberta ne bo let).
9. Tos nee ne yaoksei eng' Messia ye ibata wigisiek tamangwogik lo ak aeng' ketesyi wigisiek chu tai tisab, koek wigisiek 69? Koitet 26(Kebeberta ne tai).
10. Tos ng'o ne isubi ye ibata Messia? Tos yae nee? Koitet 26 (Kebeberta nebo let).

5

ak kiu kelyekyk kelyekab tiondo ne u keerit, ak ki u kutinnyi kutitab ng'etundo. Eng' noton ketinye tiongik somok che mi Daniel ko kergeri ak niton agenge eng' Ng'ang'utiet. Keer kogeny ile tionyiton bo Ng'ang'utiet kotinye kogeny metowek tisab ak kuinoik taman. Keer kogeny ile nambait ko kergeri kuinoik ak metowek chebo tiong'ik eng' Daniel. Tiondab Ng'ang'utiet kokerge ak tiongichun tugul ang' wan. Kogeny bounatetab Romanik, nebo ang' wan kondochi ng'ony, kobou komoswek tugul che kitononjin tiongichu tugul ang' wan, eng' noton ko kigiyomo tugul koek agenge.

10. Tos kigimwawech nee kogeny (kegerjindos Daniel ak Ng'ang'utiet) konamnge ak tiondo-boisiet ak kimnatet kous ak ole ite kimnatennyi? Daniel 7:25 (Kebeberta nebo let) ak kogeny Ng'ang'utiet 13:5-7.

Arorunet: Ongegerjinen kogeny Daniel ak Ng'ang'utiet. Ye ite kasarta (arawek 42 koitet 5) nebo tiondab Ng'ang'utiet koterteri che tililen ko kergeri ak "kasarta ak nusu nebo kasarta" nebo Daniel 7:25.

11. Tos kigimwa nee agobo tiondo ne titye metit agenge ne kikigootenen rotwetab chok? Tos kigisoob ye kigokigooten kome? Ng'ang'utiet 13:3, 12-18.

12

Elohim ko mawalaksei eng' ole yachinto chi agetugul koboruech kole kimnatoniton ko kergeri ne boisie eng' konunoik che besiotin kotesetai koboruge eng' lagokab Elohim.

4. Tos achon konunoikab che tai chebo Tamirmiriet ne Tilil? Koitet 8.
5. Tos ainon konunet nebo somok nebo Tamirmiriet ne Tilil? Koitet 9 (kebeberta ne tai); Romanik 10:17.

Arorunet: Kigeere kele kayanet ko agenge eng' konunoikab Tamirmiriet ne Tilil che nyonei amun eng' konunoik che kando aeng' konunoikab ng'omnatet ak naet.

6. Ainon konunet nebo ang' wan nebo Tamirmiriet ne Tilil? Koitet 9 (kebeberta nebo let).
7. Tos achon konunoik alak? Koitet 10.
8. Tos nyolu eng' chi agetugul ne mi borta Messia kotinye alak eng' konunoikab Tamirmiriet ne Tilil? Koitet 11 (kebeberta nebo let).

18